

Divisions  
de l'Empire

« L'empire de ce seigneur est devisé en XII parties desquelles chascun seigneur a nom *Strigo* », dit Odoric<sup>1</sup>. Marco Polo nous avait déjà parlé de ces douze hauts fonctionnaires et de leur rôle :

« Or sachiés voiremant que le grant sire a esleu doze grandisme baronz, esquelz hi a comen qu'il soient sor tutes les chouses bezognables que abesognent en trente quatre provences, et vos dirai lor mainiere et lor establiment. Je voz di tout primeremant que cesti doze baronz demorent en un palais dedens la ville de Canbalu, que est mout grant et biaus, e hi a plosors sales et maisonz, et chascune provence un jugie et maint escriven que demorent en cest palais, zascun en sa maison por soi. Et cest jugie et cest escrivan i font toutes les chouses que abezogne à la provence à cui il sunt député, et ce font por la volonté e por le commandamant des doze baronz que je voz ai dit. Et si sachiés tout voiremant que cesti doze baronz ont si grant seingnorie con je vos dirai, car il eslisent les seingnors de toutes celes provences que je voz ai dit desoure. Et quant il les ont esleu tielz con lor senble que il soient buen et sofisable, il le font savoir au grant sire, et le grant sire le conferme et li fait doner table d'or tel come à sa seingnorie convenable. Et encore sunt cesti baronz poi porveoir où convienent que les hostes aient, et les envoient là o il lor senble, e cele quantité que il vuelent; mès toutes foies est à la seue dou grant sire, et ensi con je vos ai dites de cel deus chouses font-il de toutes les autres chouses que sunt bisognables as tous les provences que je voz ai contés. Et cesti sunt appelés *scieng* que vaut à dire le cort greingnor que ne a et sor elz que le grant sire. Le palais où el demorent est ausi apellés *scien*, et ce est bien la greingnor seingneurie que soit en toute la cort dou grant sire : car il ont bien le pooir de fair grant bien à cui il vuelent. Les provences ne voz conterai ore por lor nom, por ce que je le voz conterai en nostre livre apertenant, et laiseron de ce et voz conteron comant les gran sire mande sez mesajes, et comant il ont les chevaus aparoilés por aler<sup>2</sup>. »

1. P. 373.

2. *Ed. Soc. Géog.*, p. 110.